



Lescha d'energia

per la vischnaunca Lumnezia

Cuntegn

Art. 1	Intent	3
Art. 2	Finamira	3
Art. 3	Cumpetenzas	3
Art. 4	Procurar per ils mieds finanzials	3
Art. 5	Impunder ils mieds finanzials	3
Art. 6	Preventiv annual	3
Art. 7	Damondas per contribuziun	4
Art. 8	Fixar contribuziun	4
Art. 9	Pagaments da contribuziuns	4
Art. 10	Restituziuns da contribuziuns	4
Art. 11	Cuntravenziuns	5
Art. 12	Vigur	5

Lescha d'energia dalla vischernaunca Lumnezia

dils 28 da settember 2014

La cuminanza dils votants all'urna,

sebasond sigl art. 8 dalla lescha d'energia dil cantun Grischun (LEG) dils 20-04-2010,
concluda:

Art. 1 Intent

Questa lescha regla las activitads e las cumpetenzas dalla vischernaunca sil camp da sia politica d'energia. Ella promova in'utilisaziun d'energia ecologica ed economica enteifer la vischernaunca.

Art. 2 Finamira

La vischernaunca promova il diever d'energias regenerablas sco era mesiras da spargnar energia sin intschesse dalla vischernaunca Lumnezia.

Art. 3 Cumpetenzas

La suprastonza communalala decida sur da contribuziuns da promozion. Ella relai determinaziuns executivas.

Art. 4 Procurar per ils mieds finanzials

¹ Per il diever da terren public sin intschesse communal per construcziun e menaschi dalla reit da distribuziun paga il gestiunari dalla reit ina taxa.

² La taxa vegn quintada tenor il diever sin l'energia furnida ord la reit da distribuziun e multiplicada cun ina tariffa denter 0,5 - 2 rp per ura kilowatt (kWh). La suprastonza communalala fixescha annualmein la tariffa.

³ Il gestiunari dalla reit ei legitimaus d'adossar quellas taxas al consument d'energia. Igl importo ei da mussar ora separadamein sil quen dil consument tenor las leschas surordinadas.

Art. 5 Impunder ils mieds finanzials

La vischernaunca impunda las taxas incassadas en favur dil generalessier ni per igl agen menaschi. Quei sa esser per:

- a) promover edifecis e stabiliments cun producziun d'energias regenerablas;
- b) promover la sanaziun d'edifecis, indrezs tecnics ed apparaturas el tenercasa, aschilunsch ch'il diever d'energia vegn sbassaus considerablamein ni ch'in meglier grad d'utilisaziun vegn contonschius;
- c) sustener programs d'energia presistents da fatschentas;
- d) indrezs da pilot e da demonstraziun per energias regenerablas;
- e) cussegliar privats e fatschentas davart spargnar energia;
- f) curclar cuosts dil communalessier per optimar objects publics per spargnar energia;
- g) curclar cuosts per l'illuminaziun da vias

Art. 6 Preventiv annual

La summa annuala en favur dil generalessier vegn fixada el preventiv communal.

Art. 7 Damondas per contribuziun

¹ Damondas per contribuziuns per projects ein da tschentar avon ch'entscheiver cun las lavurs da baghegiar ni avon che far outras investiziuns. Ellas ein d'inoltrar cun ina descripcziun e documentaziun detagliada alla suprastanza communal per mauns dil cau dil departament responsabel.

² Damondas per contribuziuns per apparaturas el tenercasa ein da tschentar alla suprastanza communal 30 dis suenter la cumpra.

³ Las damondas vegnan tractadas tenor il datum d'entrada dalla documentaziun cumpletta.

⁴ Damondas che san buca vegnir risguardadas muort munconza da mieds finanzials, han prioritad igl onn proxim.

⁵ Decisiuns davart damondas vegnan comunicadas en fuorma d'ina disposiziun prida entras la suprastanza communal.

Art. 8 Fixar contribuziun

¹ In dretg legal per la garanzia da contribuziun exista buca. Las contribuziuns vegnan fixadas sin basa dil project tenor ils suandonts criteris:

- a) potenzial per spargnar energia;
- b) dimensiun ed utilisaziun da pertaders d'energia indigens e da pertaders d'energia regenerabla;
- c) dimensiun dil risguard sigl ambient;
- d) grad dall'atgna cuvrida (curclar giu igl agen diever d'energia);
- e) grad d'utilisaziun (min. 25% sur la valeta existenta);
- f) tip digl edifeci, digl indrez e sia grondezia;
- h) ils cuosts d'investiziun ed ils cuosts d'energia;
- i) il total dall'efficienza energetica;
- j) il total dall'efficienza per igl ambient.

² L'evaluaziun dils criteris applicabels sa curdar ora differentamein secund la categoria dalla promozion. Per fixar las contribuziuns, sedrezza la vischerna tenor la pratica digl uffeci d'energia e traffic dil cantun Grischun.

Art. 9 Pagaments da contribuziuns

¹ Las contribuziuns vegnan fixadas en rama dils mieds finanzials disponibels tenor il preventiv communal.

² La contribuziun da promozion scroda, sch'ei vegn entschiet cun il project avon che la disposiziun per la contribuziun ei succedida.

³ Il pagament dalla contribuziun sa vegnir ligiaus vid cundiziuns ed obligaziuns.

Art. 10 Restituziuns da contribuziuns

¹ Contribuziuns obtenidas ein da restituir parzialmein ni cumpleinamein, sche

- a) quellas ein succedidas sin fundament d'indicaziuns faulsas;
- b) il stabiliment vegn nezegiaus per in auter intent che indicau ni vegn allontanaus ni mess ord funcziun enteifer tschun onns suenter il pagament dalla contribuziun;
- c) cundiziuns ni obligaziuns ch'ein fixadas en la disposiziun vegnan violadas.

² La summa da restituziun ei da tscheinsir.

³ La restituziun ha da succeder enteifer dus onns suenter che la suprastanza communal ha definai il motiv per l'obligaziun dalla restituziun.

Art. 11 Cuntravenziuns

Cuntravenziuns encunter questa lescha e sias disposiziuns executivas sco era maldiever entras fraud ni utilisaziuns per auters intets vegnan puni cun castitgs entochen CHF 10'000.

Art. 12 Vigur

Questa lescha va en vigur cun l'approbaziun dalla cuminanza dils votants all'urna dils 28 da settember 2014.

Il president communal:

Duri Blumenthal



Igl actuar:

Marcus Cavegn